

# КИРОВЕЦ

ВКП(б)-лэн Тыловой Райкомезлэн но Райисполком-лэн органы

28 сентябрь 1938 ар | № 76 | 4-тй арзэ потэ

## Культурной строительство ужпумез организовать кароно

28 июне 1938 арэ культурной строительство ужпум'я республиканской совещание ортчиз.

Республиканской совещание культурной строительство ужпумез организовать карыны бадзым программа сёлз. Кызы та уж асьме районн пуктэмын? жотак верано луэ, что республиканской совещанилэс указаниоссэ по-большевицки реализовать карыны кутскон интые районной организации, сельсовет'ёс тае вунэтйзы. Басьтом тани кыче пуктэмын неграмотнойёсты но малограмотнойёсты дышетон?

Р а й о н а м ы неграмотнойёс но малограмотнойёс трос лыд'яско, нош озы ке но Роно, сельсовет'ёс но Ронолэн инструкторез Каракулов та ужез организовать уг каро, со ужез ачизэс пичи ужез кад лыд'яско. Соин ик, только соин нокыче колхоз'ёсын но ликбез'ёс уг ужало.

ВЛКСМ-лэн райкомез 19-тй сентябрь та ужлэн мынэмез сярис эскерон орчтйз. Эскерон возматйз: Оханской, Уйвайской, Итинской но мукет сельсовет'ёсын одйгаз но колхоз'ёсын та важнейшой уж уг мыны. Тае организовать карыны нокин но уг малпа, озы ик мукет сельсовет'ёсын та уж куашкатэмын.

„...Безграмотной адыми политикалэс палэнын сылэ, сое нырысь азбукалы дышетон. Сотэк политикалэн луэмез уг луы, сотэк слух'ёс, слепотняос, сказкаос, предрассудок'ёс гинэ вань, нош политика овёл.“ (Ленин).

28-тй июне ортчем республиканской совещанилэн обращенияз тазы верамын вал: „1938 арлэн пумаз одйг неграмотной но медаз луы, сплошной грамотностьем колхоз'ёс но сельсовет'ёс понна: котькуд грамотной мурт неграмотноез мед дышетоз!—тани асьмелэн лозунг'ёсмы. Асьме республикамес сплошной грамотностьем республикалы пормытом“.

1938 ар 3 толэз гинэ кылиз на, нош неграмотной но малограмотной районамы трос на, республиканской совещанилэн указаниез борды та дырозь нокин оз кутскы, организовать карымтэ.

Районамы умой ик уг ужало изба-читальняос. Тани Зюзино, Оханцы, В. Четкер но мукет'ёсаз сельсовет'ёсын но колхоз'ёсын изба-читальняослэн туссы ик

овёл. Помещениос оборудовать карымтэсь, газет'ёс, журнал'ёс овёл, музыкальной инструмент'ёс овёл, нокыче кружок'ёс организовать карымтэ. Избач'ёс: Зюзино сельсоветысь Иванова, Оханцы сельсоветысь Никитин, В. Четкер сельсоветысь Казакова колхозник'ёслэс палдурскыса уло, массово-раз'яснительной уж уг нуо.

Республиканской совещанилэн обращенияз тазы верамын: „Асьмелэн изба-читальняосмы, колхозной клуб'ёсмы, библиотекаосмы, больницаосмы, амбулаториосмы сыче состояние привести каремын луыны кулэ, чтобы соос образцовой культурной учреждениосын культураез жутон понна организатор'ёсын мед луозы. Сельской совет'ёс, колхоз'ёслэн правлениоссы, райисполком'ёс культурно-просветительной учреждениосы быдэсак порядке привести мед к а р о з ы, с о о с т ы у м о й мебелин оборудовать кароно, радио пуктоно, тырмыт освещениен но пуэн, кулэ луйсь газет'ёсын, журнал'ёсын, массовой шуаон'ёсын (шахмат'ёс, шашкаос, домино, билиард), музыкальной инструмент'ёсын но спортивной инвентарен обеспечить кароно. Политпросвет-учреждениослэн вань ужзы мобилизовать мед кароз трудяшой массаосы конкретной производственной уж'ёсты быдэс'янез, хозяйственной культурной строительстволэс но СССР-ез оборонять каронлэс задачаоссэ быдэс'янез“.

Тини республиканской совещанилэн обращенияз конкретно верамын кызы пуктоно ужез. Тае программаен карем интые райисполком, Роно сельсовет'ёс, колхозлэн правлениоссы жотак вунэтйзы. Районамы одйг но образцовой изба-читальня овёл. Озы ик верано луэ, что районной клуб, библиотека образец'ёс возматыны кулэ вал. Овёл со озы, клубе пырыны мыл но уг поты, оборудовать карымтэ, нокыче шулдырез овёл. Районной библиотекаын кулэ луйсь книгаос овёл.

Вань районной организации ВКП(б) райкомлы, райисполкомлы, Ронолы но сельсовет'ёслы колхоз правлениослы та уж борды кутсконо, культурной ужез хозяйственной уж'ёслэс отрывать кароно овёл, республиканской совещание кемалась ортчиз шуыса, вунэтоно овёл.

## ЛИТВИНОВ ЭШЛЭН ВЫСТУПЛЕНИЕЗ

Женева, 21 сентябрь. Туннэ Чукна Лига нацилэн пленумаз СССР-лэн иностранной ужпум'я народной комиссарез Литвинов эш бадзым речен выступить кариз.

— Лига нация—шуэ Литвинов эш—мировой война бере та войнаез берпум войнаен карон понна кылдытэмын вал. Лига нация вань калык'ёсты агрессивилэс возманы кулэ вал, агрессивилы огазеяськем кужымен отпор сётыны понна служить карыны кулэ вал. Нош Лига нация та ласянь номыре но оз лэсты. Абиссиния но Австрия грубой насилия улын асьсэлэс независимостысьсэ ыштызы. Китай агрессивилэн жертваены луиз. Испания куйн'юметй арзэ ини иностранной интервенциен йырин вир кыстон война мынэ. Табере витейез государство—Чехословакия военной нападенилэн кышкылтыкэз азын сылэ. Озы ке но—шуэ Литвинов эш—чехословацкой вопрос Лига нацилэн пленумезлэн повестка днйаз но пыртэмын овёл. Лига нацилэн кужымез тырмыт коллективной кужымен агрессивнез дугдытон понна—шуэ Литвинов эш. Со понна Лиганы сылэс государствоослэн гинэ доброй волязы кулэ. Нош агрессор'ёслы воля сётэмын, агрессия йырзэ вылэ жутйз. Та берло куйн ар кустын агрессивной государствоос агрессия нуон понна блок кылдытйзы. Соослэн кужымзы будйз. Нош озы ке но мир понна сылэс государствоос, огазе карискыса Чош ке пумит султисалзы, та агрессивной государствоос сярис кужмогес луйсалзы Лига нациын кык лумо тенденциос вань. Одыгез соос пдысь луэ

вань амал'ёсын, вань средствоосын агрессорлы решительно пумит султон. Агрессия луон дыр'я солы пумит нокыче колебанитэк решительно но последовательно 16 статьяез применить карон. Мукетыз концепция нош луэ агрессивнез поощрять карон бордын. Агрессорен переговор'ёс нуыны выро, соин соглашениос лэсты. Тае политика нуэмен валче куйн интыын война луэмын. Али нылетиез война матэ вуэмын.

Советской Союз Лигае лыктйз соин, чтобы мир понна сылэс кужым борды 170 миллион'ем калыклэс кужымзэ огазеяны. Советской Союз ас вылаз басьтэм обязательствоосэ юн быдэс'я. Мирез утялтон но агрессорлы пумит нюр'яскон понна Лигалэс вань решениоссэ даже рекомендациоссэ но быдэс'я. Италия ласянь Абиссиния вылэ нападенилы но Советской Союз пумит вал. Испания вылэ нападение кутскем дырысен советской делегация Лигалэс аяз сылэс долгэз быдэстыны требовать каре. Китай вылэ Япония ласянь агрессия кутскем дырысен ик Китайез поддерживать карыса, ужпум кутыны требовать каре.

Австрийской государстволэн быремез—такем бадзым событие—Лига нация понна незаметно ортчиз.

Кукэ французской правительство нырысьсэ обратиться кариз—Чехословакия вылэ нападение луон дыр'я Советской Союз кыче позиция кутоз шуса,—соку ик советской правительство ласянь четкой но определенной ответ сётэмын вал. Советской Союз ивортйз, что со вылаз басьтэм обязательствоосэ быдэстыны

дась, Франциен Чош со Чехословакилы кулэ луйсь юрттэт кыче гинэ сётыны луоно, ваньзэ сётоз. Озы ик указать каремын вал, что СССР-лэн военной ведомствоез чик жегатскытэк Французской, но Чехословацкой военной ведомствоосын Чош кулэ луйсь ужпум'ёс кутон сярис ужпумез обсудить карыны совещаниын участвовать карыны дась. Озы ик Чехословакия сярис вопросэз 11 статья ке но общественной мнениосы мобилизовать карон но мукет'ёсылэс куд-огезлэс государствоослэс позициосэс тодон понна,—Лига нация пуктыны кулэ шуыса указать кариз вал. Таин Чош ик ми предлагать каримы вооружонной конфликт медаз луы шуыса Европейской державаосын но мукет заинтересованной государствоосын совещание люканы. Озы коллективной ужпум кутон сярис малпаськом вал, куйн нунал талэс азыло нырысьсэ чехословацкой правительство—пакт'я дась луэ-а советской правительство Чехословакилы юрттыны шуыса юаз. Ми соку ик ответить карим, если Франция аслаз обязательствоосылы верной луэ ке, юрттыны дась шуыса.

Милэстым та предложениосмес быдэстысал ке, Чехословакилэн интересэ но Европаын всеобщей мир понна кулэ луйсь результат сётисалзы. Но кутэмын вал мукет мераос, куд'ёсыз вуттйзы сыче капитуляцие, талэн результатэз рали яке азылане туж бадзым катастрофической последствием луоз.

Советской Союз мир понна юн политика нуэ. Со политикалэс ноку берлань уз чигна.

## Машинаос понна уг скулмасько

„Хлебороб“ колхозлэн лудвылытйз ветлыса адзёно луэ, отын но татын Тыловой МТС-лэн машинаосыз куямын. Та машинаосты эскерис овёл, уйин таосты возмась овёл. Одыг кутаськон машинаез Зюзинской волок дорын 3 нунал чоже сылэ ни, нокин тае эскерыны пуктэмын овёл. 10-11-12 сентябрь ванез тракторист'ёс трактор'ёссэс луд вылэ аналтыса пьянствовать карыса улызы. Соос уг тодо кыче состояниез трактор'ёссылэн. МТС-лэн директорезлэс Муханов эшлэс марлы трактор'ёс, машинаос уг ужало шуыса юамлы Муханов одйг ответ сётэ „трактор'ёс, машинаос тйяськемын, соин уже кутыны уг луы“. Табере тодмо луэ марлы трактор'ёс мшинаост тйяськыса уло. Соин только, что машинаосты, трактор'ёсты эскерис овёл, соосты котькинлы тйяны воля сётэмын.

ИВАНОВ.



Сибирской военной округы Н-ской частьюсь РККА СН. Н-ской частьюсь боец'ёс отдыхать каро. Бурпалысез отличник боевой политической подготовки-лэн агитколлективезлэн членэз Овчинников. Павловалэн фотоэз.

## Избач Казакова уг ужа

В. Четкер сельсоветэ Казаковаез избачен пуктйзы. Дыр трос ортчиз нй, нош Казакова нокыче уж борды оз кутскылы на. Колхозник'ёс кулээн со доры мыно но нокытысь уг шедьто. Изба-читальняз

уг улы, сельсоветэ но уг ветлы, нуналзэ кытын ортчыз, тодмо овёл. РОНО-лы но сельсоветлы Казаковалэс ужзэ эскероно но уж борды кутскыны коsono.

ГАЛИЧАНИН.

## Кельдыш сельсоветысь коммунист'еслэн ужамзылэн опыты

Кельдыш сельсоветысь „Сельхозтруд“ колхозын 2 ВКП(б) кандидат, 3 сочувствующийёс. Трефилов Семен „Сельхозтруд“ колхозлэн председателез, Трефилов Петр Кельдыш сельсоветлэн председателез, Иванов 3-тй бригадысь бригадир сочувствующий, Вахрушев „Сельхозтруд“ кохозлэн правлениезлэн членез сочувствующий, Иванов А. счетовод сочувствующий. Таос ас ужасы бадзым пример'ес возьматыны быгатйзы „Сельхозтруд“ колхоз но быдэсак Кельдышевской сельсовет вань сельскохоззяйственной у ж е з районн азыло быдэстиз. Райисполкомлэн пленумез, кудиз 10-тй сентябре вал, сельсоветской переходящей Красной знамяен премировать кариз.

Октом-калтон дыраз завершить каремын, хлебопоставка дыраз но выли качествен сдаты каремын.

Кельдыш сельсоветысь коммунист'ес ас ужасы массовой ужез колхозник'ес пды волмытыны быгатйзы соин соос бадзымез азинскон'ес бастыны быгатйзы. Октом-калтон азын но сое образцово завершить карон вылысь соос Граховской районьсь азымынйсь колхоз'еслэсь обращенизэс обсудить каризы, озы ик „Красная Ита“ колхозысь колхозник'еслэсь но колхозницаослэсь октом-калтонез образцово завершить карон сярис вызовзэс обсудить каризы. Та обращение но вызовез коммунист'ес азыло колхозлэн правлениез обсудить каризы, октом-калтонлэсь планзэ уточнить каризы со бере общей колхозной собраниян обсудить каризы. Ваньмыз колхозник'ес Граховец'еслэсь обращенизэс но „Красная Ита“ колхозлэсь вызовзэ обсудить каронн активно участвовать каризы, вылазы конкретной обязательствоос бастызы. Колхозник'есын нуналмысь массовой уж нуон понна агитатор'есты бригадаосы, звеноосы закрепить каризы. „Сельхозтруд“ колхозын 11 агитатор'ес ужасы. Соос СССР-лэсь Верховной Советэз-

лэсь II сессиезлэсь решениеосэ колхозник'еслы тупен-тупен раз'яснять каризы. Нуналмысь газет вылысь Китайын но Испаниян бойёслэн мынэмзы сярис вераллязы. Вань бригадаосын Дальний Востокукысь Хасан озеро районн луэм событие сярис колхозник'еслы валэктйзы. Тужгес ик умой ужасы агитатор'ес: Иванов Кирилл 3-тй бригадысь бригадир. Со али сочувствующийе пыриз. Вахрушев, Иванов Антон таос но сочувствующийе пыризы. Иванов Савелий умой ужас. Иванов Кирилл ас бригадаяз стахановской звено кылдытыз. Стахановец'ес культю кертылонын сюрс культолэсь но трос кертылызы. Агитатор'ес юртылызы стенгазетлэн редактор'ессылы. Стенгазетаос умой ужас'еслэсь опыт'ессыз возьматылызы, лодыр'есты бичевать карылызы. Колхозын ужамлэсь нуналмысь показателэзэсь возьмат'ян понна показательной доска лэсьтэмын вал, кытын бригадоослэн но отдельной колхозник'еслэн ужам рекорд'ессысь возьматылэмын вал.

Трефилов Петр ВКП(б) кандидатсы ВКП(б) членз пырыны зайвление сётйз, ВКП(б) член'ес Трефилов эшлы охотно рекомендация сётйзы. Райком сое утвердить кариз. Али коммунист'ес но сочувствующийёс ВКП(б)-лэсь Историелэсь краткой курсез изучать карыны кутскизы. Соос озы ик колхозник'есты ВКП(б)-лэн историелэн краткой курсезныз тодматскыто.

Азинскон'естысь возьматыса Кельдыш сельсоветысь коммунист'еслы таин гивэ успокаиватьса кариськоно өвёл. Азыпалан бадзым уж'ес но недостаток'ес туж трос на. Предоктябрьской соревнованин бумага вылын включит'я кариськемен гинэ аналсконо өвёл, эшшо но азыпал инты бастон понна но переходящей Красной знамяез кыин возён вылысь ужано. Эшшо но стахановской движениез, соревнованиез паськыт волмытоно. ОСОТОВ.

## Предоктябрьской соревнование

### Государстволы нянь сётон тырмытэмын

„Красная звезда“ колхоз Зюзино сельсоветысь, государстволы нянь тырон планзэ обязательной, натуроплата, ссуда берыктонзэ полностью тырмытыз. Та ужын

скулмысь ужас Кожевников Кузьма Максимович, со нуналлы 2-3 пол жадёнзэ валатэк нуллйз.

Кожевников.

### 50 ПРОЦЕНТ ГОСУДАРСТВОЛЫ ЕТИН СЁТОН ПЛАН ТЫРМЫТЭМЫН

Октябрьской революциелэсь годовщиназэ бадзым вормон'есын пумитан понна „Республика“ колхоз государстволы етин 13 центнер сдаты кариз, кудиз план'я 50 процент составлять каре. Етин выли качествен сдаты каремын. Та ужын колхозлэн председателез Первушин эш, бригадир Первозчиков эш но звеноводка Первушина

Мария скулмысь ужасы. Октябрьской революциелэн годовщинаез азе етин сдаты каронез полностью быдэстом шуо колхозник'ес, колхозницаос.

Озы ик „Яг“ колхоз 6 центнер сдаты кариз но „Пятилетка“ колхоз 3 центнер сдаты кариз.

Яковлев.

### Азыпал инты бастон вылысь ужез пуктоно

Зюзинской сельсоветысь „Пролетарий“ колхоз „Кр. Ита“ колхозлэсь вызовзэ принять карыса предоктябрьской социалистической соревнование включит'я кариськиз. Нош сое уж вылын уг быдэсты. Туннэ нуналозь государстволы нянь сдаты каронзэ 33 проценты сянэ өз тырмытэ на. Озы ик государстволы коньдон огазевэн чидантэм ляб мынэ. Мар бен причинаез та бере кыленлен? Причинаез луэ со, что колхозлэн председателез Иванов колхозын ужез умой пуктыны уг скулмаськы,

вань машинаоссэ но тягловой кужымзэ использовать уг кары, дырзэ юыса орчытэ. Ивановлы кытчыке мыноно ке ачиз вал уг кыты старшой конюхез трудодең вылысь вал кыткытэ но юскытэ.

Тазы лично ас понназ ужатыса трудодең гож'яменыз Иванов трудодеңзэ растранировать каре.

Колхоз правлениез предоктябрьской социалистической соревнование включит'я кариськемзэс уж вылын быдэстоно. Со вылысь вань колхозник'есыз мобилизовать кароно.

Щ. Л.

### Первозчиков ас ужзэ уг быдэсты

В. Четкерской сельсоветысь „Звезда“ колхозын хлебопоставка сдаты карон туж урод мынэ. „Урод мынэ соин, что старшой обозчик Первозчиков Иван Степанович хлебопоставкаез дырыз дыр'я тырмытон вылысь уг скулмаськы, нянь сдаты карыны куке мынэ-мез потэ соку мынэ, нош

мылыз ке уг поты уг мыны. Кемалась өвёл на, Первозчиковлы мыноно вал хлебопоставка нуыса, нош со Ижевске куноаны кошкы, отын быдэс арня улйз. Тини отысен ик адске хлебопоставкалэн ляб мынэ-мез.

Ф. Ю.

### КОЛХОЗЛЭН ПРАВЛЕНИЕЗ БЕРЕ КЫЛЕ

Зюзино сельсоветысь „Красная Звезда“ колхозын заемлы коньдон тыронзэ колхозлэн правлениез вунэтйз. Правлениезлэн членез Кожевникова Парасковья Ивановна заемлы коньдон уг тыры. Правлениезлэн член'есыз шоры учкытэк колхозник'ес, куд'есыз колхоз

ужын честно но добросовестно ужало соос заемлы коньдон огазеван планзэс 100 проценты тырмытыса колхозлэсь правлениез соревнование вызвать каро. Правлениезлэн член'есыз бере кылыса мыныны возыт луыны кулэ.

КОЖЕВНИКОВ.

### Заёмлы взнос тырымтэ

Районамы куд-ог колхоз'ес заемлы взнос тыронлэсь кулэлыкэс валазы, 100 проценты быдэстйзы нй. Нош Суруновской сельсоветысь „Общий труд“ колхозын та ужез вунэтйзы. Колхозлэн председателез Чунарев Тимофей заемлы коньдон огазеванзэ организовать карон интые, со ачиз срывать каре. — „Соин уж өвёл али, колхозной праздник лэстыны коньдон

кулэ“ — шуыса супыльтэ. Лыдзисьес! тй малпалоды, что „Общий труд“ колхозлэн заёмез сянэ вань коньдон тырон'есыз тырмытэмын нй шуыса. өвёл, сельхозналогез но страховкаез 50 процентозь но вуттытэ на. Сельсоветын ужас'ес Чунаревзэ коньдон тырыны косо ке, коньдонзэ вань луыса но коньдон өвёл шуэ.

ИЗБАЧ КАЗАКОВ.

## Чехословактын всеобщей мобилизация

ПРАГА, 23 сентябре. 23 сентябре 22 час но 30 минутэ республикалэн президентэз Бенеш всеобщей мобилизация сярис приказ сётйз. Ваньмыз ик 40 аресозь военнообязанной мурт'ес 6 часлэсь бере кылытэк, призывной листок'есын яке воинской книжкаосын возьматэм'я сборной пункт'есы лыктыны кулэ. Озы ик, вал'есы, вань транспортэз (частной автомобильесты, автобус'есты но мукет'ессы) мобилизовать карон ялэмын.

Президент спокойствиелы но мобилизация сярис приказэз жог быдэстыны калыкез призвать каре.

## Чехословацкой правительство англо-французской ультиматумез принять кариз

Прага 21 сентябре. Туннэ жыт чехословацкой телеграфной агенство опубликовать кариз официальной сообщение чехословацкой правительстволэн англо-французской ультиматумез принять каремез сярис. Германия, Венгрия но Польша ласянь военной нападение луон дыр'я Франция но Англия Чехословакылы юртонлэсь отказатьса карисько. Соин ик чехословацкой правительство англо-французской ультиматумез принять кароно луиз шуыса сообщенин верамын. Ультиматумез принять карем сярис нота туннэ жыт Францилы но Англилы ыстэмын.

Чехословацкой правительствоен та'е решение кутэменыз валче, быдэс странаын ик бадзым возмущение жутскиз. Прагаын массовой стихийной демонстрациос орточо та решенилы пумит протестовать карыса.

## Кызы ми дышетскыны кутскимы

Итинской сельсоветысь Итинской начальной школа кылем ар'есын сярис туз аре учебной арез умой пумитаз. 1-тй сентябре вань дышетскисы пинал'ес одйг час но минут опоздать карытэк школае лыктызы. 9 часэ Чукина звонокез кылыса дышетскисы пинал'ес ванез интызысь пуксизы. Озы ик дышетисьес но вуизы школае дыраз, умой пумитазы нылпюсты, урок кутскиз но соос дышетыны кутскизы. Дышетон мынэ умой, урок'есты кылско скулмысь, нош татын вань та'е пинал'ес, куд'есыз, школьной дисциплинаез куашкато. Тани II-тй классысь Загуляев Александр, IV-тй классысь Шуклин Василий, Миронов Аркадий. Озы ик дышетскон вылэ ляб учко Пронин Анатолий, Загуляев Геннадий, Загуляев Иван, Котегов Александр но мукет'есыз. ИВАНОВ.

Отв. редактор  
Н. П. КУКЛИН



Кагановичлэн нимыныз нимам Горьковской радиуслэн метрополитензэ лэстыса быдэстэм бере.  
СНИМОКЫН: орденоска Макарова но стахановец Суворов.